



29. juli 2014

Inatsisartut suleriaasianni § 37 naapertorlugu matumuuna ima apeqquteqaateqarpunga:

Naalakkersuisut nalimmassaanerup nutaamik ilusilerneqarnissaanik siunnersuutaannut tunngatillugu apeqqutit:

1. Naalakkersuisut Kommuneqarfik Sermersuup innuttaasumut ataatsimut aningaasatigut atugassakinnerpaaffinngortinneratigut nunatsinni kommunini pitsuunersannngortitserusunnerat sumik peqquteqarpa?

2. Naalakkersuisut nalimmassaanerup ilusiliassatut siunnersuuteqarnermikkut Kommuneqarfik Sermersuup missingersuutai 56 millionit koruuninik ilanngartuiffiginiaarpat. Taamaaliortoqarneratigut kommunimi tamarmi kiffartuussineq, Tunu nunaqarfifillu ilanngullugit, ajorseriannngitsoornaviannngilaq. Nunaqarfinni Tunumilu inuuniarnikkut atugassarititaasut ajorseriartinnissaannik Naalakkersuisut kissaateqarnerat sumik peqquteqarpa?

3. Naalakkersuisut nalimmassaanerup iluarsartuuteqqinneqarnerata kingunerisassaanic naatsorsuinerminni tunngavigisaasa ikippallaarnerinik, aammalu iluarsartuusseqqinniarnermi ilusiliassatut siunnersuutigineqartup kingunerisassaata ilisimaneqavissunnginneranik BDO-p naliliinera Naalakkersuisut isumaqatigivaat, taamatullu tunngaveqarluni aalajangiisoqarnissaa Naalakkersuisut illersorneqarsinnaasutut isigivaat?

4. Nalimmassaanerup nutaamik ilusilerneqarnissaanik siunnertuuteqarnermi pingaarnertut siunertarineqartoq tassaasoq Siumup tunuliaqutaanic iluaqusersuinissaq Naalakkersuisut isumaqatigaat?

(Inatsisartunut ilaasortaq Andreas Uldum, Demokraatit)

Tunngavilersuut:

Naalakkersuisut nalimmassaanerup ilusissaatut siunnersuutaat sumiiffiit Siumumik qinersisartoqarfiunerpaasut iluaqusersornissaannik siunertaqaannarunarpoq.

Taamatut naalakkersuinikkut ingerlatsineq Demokraatit kukkunerulluinnartutut isigaat. Naalakkersuinikkummi aalajangiinerit naleqquttumik naapertuilluartumillu tunngaveqarnissaat pingaartipparput. Naalakkersuisut taamatut siunnersuuteqarnerisigut Tunu – nunatsinni sumiiffiit inooqataaniarnikkut aningaasatigullu sanngiinnerpaat ilaattut taasariaqartoq – kiffartuussinikkut ajorseriatinik eqqorneqartussaavoq. Tamanna naammaqatigiinnerunngilaq, taamaalillunilu aamma Naalakkersuisut inuaqatigiinnik nammaqatigiinnerusunik pilersitsinissaminnik



DEMOKRAATIT
DEMOKRATERNE

anguniagaqarnerannut naapertuunnani.

Sanngiinnerusut sanngiinnerulersinnissaat naalackersuinikkut ingerlatsinerliorneruvoq, sanngiinnerusunillu oqilisaassinisseq tassaalluni naalackersuinikkut ingerlatsilluarneq.

Naalackersuisulli nalimmassaanerup nutaamik ilusilerneqarnissaanik siunnersuuteqarnerminnut atatillugu sanngiinnerpaat ajoraluartumik eqqarsaatigisimarpasinngilaat – sumiiffinni Siumup nukittunerpaaffiini aningaasatigut ikorfartuinisseq kisiat Naalackersuisut eqqarsaataanniilluni.

Apeqquteqaatinnut ullut suliffiusut qulit iluanni erseqqissunik akissutissarsinissara qilanaaralugu.